

Pferd- oder Kindesknochen/ thut es in eine Retorte/ vnd destillire es erstlich mit gelindem Feyer/ als denn giebt man ihm zu lezt ein starkes Feyer/ damit das Oleum ganz herüber gehe. Zur lezt giebt man ihm gar ein starkes Feyer/ das auch das Honig zu einer weissen Asche calcinirt werde/ als denn nimt man den Recipienten ab/ vnd scheides das Wasser von dem Oleo, welches eine schöne Haar-Farbe den Weibern giebt/ vnd reinigt die Haar vnd das Haupt gewaltig/ die Asche thut man heraus/ vnd geusst das Oel darüber/ mischt es wol vnter einander/ vnd destillirt es wieder herüber. Und diese Arbeit muß so oft wiederholet werden/ bis daß das Oel ganz lieblich vnd hell werde/ als denn mag man's gebrauchen/ wie vnd worzu man wil.

Bon diesem Oel ist viel Dings in allen Büchern geschrieben/ achte es dorwegen vnnöthig/ viel davon allhier zu gedanken. Es hat fassēben die Tugenden/ wie das Wachs-Oel/ doch ist es in seiner Wirkung stärker/ es sol aber des Honigs Vermögen in etwas nach Beschreibung der Quintæ Essentia æ folgen.

Quintæ Es-
sentiæ mellis
præparatio. Wenn das Honig in seine Essentiam gebracht wird/ so wird eine gewaltige/ kostliche vnd vortreffliche Arzney daraus/ wie gemeindet/ die Bes-
reitung aber wird also verrichtet.

Nun des besten Honigs/ wie viel dir beliebet/ giesse darüber ein destillirtes Regen-Wasser/ damit es nicht allein darinnen zer gehen/ sondernt seinen Schleim vnd feces fallen lassen möge/ setz es auf eine gelinde Wärme/ vnd wenn es schwimmet/ so hebe den Schwam hinweg mit einem ernstuen Löffel/ lasse es als denn acht Tage in einem gar gelinden Feyer dīgertur; so werden sich etliche feces zu Grunde schlagen/ das Reine giesse kein gemach herunter/ oder filtre es durch ein Papptier/ als denn destillire durch das balneum alles was herüber gehen will.

Wenn nun nichts mehr gehen wil/ so nims aus dem balneo, setze es in die Asche oder Sand vnd destillire es/ bis das ganze Oleum herüber ist. Zur lezt gieb ihm so ein starkes Feyer/ das auch das Honig alles zu einer weissen Asche calcinirt werde. Aus dieser zahe sein Sal mit destillirtem Regen-Wasser/ vnd rectificir es so oft/ bis daß es so schön vnd klar wie ein Crystall werde. Das Wasser/ welches durch das balneum erstlich davон destillirt worden/ muß ein mal oder drey rectificirt werden/ als denn giesse es über das Salt/ vnd lasse es in balneo vaporoso mit einan-